

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono.

(1816)  
Luz 1516

## QUÆSTIO MEDICA.

Quodlibetariis disputationibus, manè discutienda in Scholis Medicorum, die Martis vigesimâ-octavâ Februarii.

M. FRANCISCO VEZOU, Doctore Medico, Præside.

*An vires consociare amant opium & Chinâ Chinâ?*

**V**ITA hominis à calore, calor à motu, calor, motus & fermentatio reciprocantur. Ex felici elementorum discordia, felix fermentationis opus, hæc est motus intrinsecus partium activarum mixti; fermentationi suum debent ortum, incrementum, conservationem & perfectionem vegetantia, ut & animalia. Qui fermentationem, aut febrem putredini jungit, tigris jungit agnis, ubi incipit putredo desinit fermentatio; fermentationem inter & effervescentiam nihil discriminis comperies, nisi ludere in verbis sit animus; fermentatio à fermentis; fermentorum omnia plena; sua sunt rosis & pomis: si bene calculum ponas, nullam vim activam in fermentis invenies; Dum hæc servant naturæ leges, constans est & perpetua functionum integritas, si anomala, morborum nascitur ilias: horum medicina vindex, triplici utitur instrumento, diætâ, legitimum usum rerum non naturalium præscribit, chirurgiâ, manu medetur, pharmaciâ, fecunda remedium segete locuples, parables medicamentorum divitias subministrat, quorum alia simplicia, alia composita, illa propriis viribus agunt, hæc similitudine substantiæ & virtute consociali præstantiorem ferunt opem.

**M**ORBI oriuntur ab aëre aut ab alimentis: non facile dictum quot ex his fontibus derivatæ clades; fatalis spirandi necessitas eo majorem inurit visceribus labem, quo magis ineluctabilis; spectes aëris inclementiam, tempestatum vicissitudinem, locorum, & regionum varios soles, & cum male sanis consortia, fateris vitales quos Carpinus auras mille modis inquinari; quid plura, aër est primum vitæ pabulum, & primum movens, nec secus ac moletrina aventis aut à fluvio, sic Corpus movetur ab aëre vim suam elasticam sanguini & humoribus ministrante; Proci hinc novatores, qui machinæ automatiæ, aut proprium motum assignant. Ab alimentis non minor noxa, plures occidit gula quam gladius. Alimenta sunt vel pravi succi, inde nutritiones pravæ, Cachexiæ parentes, vel succo uberius turgent, & oneri sunt naturæ, ab his plethoricæ Constitutiones, habitus athletici periculo pleni, quicquid enim ad summum pervenit, propter ad exitum. Nemo nescit, quanta documenta ferant edulia varia hisce præsertim temporibus, quibus non vivitur dapibus inemptis, sed simul alis miscetur elixa, simul conchilia turdis. Ab insana comestandi libidine, præceptis senectus, indomitæque mortis; sed his medicina cælo delapsa moras innedere docet. Priscis seculis victus erat simplex, ideo medicina simplex & fere tota herbarum potentie subiecta, suæ vires erant cichorio & lactuæ, salvia erat salvatrix, morborum Conciliatrix, dicebat borrago gaudia semper ago, sed quætas pare ntu peior avis tulit nos nequiores; glande non contenti, curiosi simulantes bacchanalia vivimus, intricatores fuere morborum causæ; medicina, herbis non neglectis, alia quæsit remedia, ab ibi & hyppopotamo docta, venæ sectionem & purgationem instituit; In dies vero gliscientibus malis, medicamentorum vires scrutando, alia aliis prudenter sociavit, cassiam cum manna elixavit, ut cassiæ stimuli, mannae dulcedine inescarentur, flatu lentam sennam cinnamomo castigavit, confectiones composuit purgantes & alterantes, antidota præparavit, opium chinæ chinæ connubio juxxit stabili, ea lege, ut opium quibus insignitur dotibus, volatilitate, amaritudine oleositate &c. vires corticis peruviani augens, acida febrium fermenta obtunderet, & compositis motibus domesticis, febrium symptomatis & ipsis febribus placidam afferreret medelam.

**O**MNEM medelam ordiri ab amuletis, magnetismis, imo à specificis opio & Chinâ Chinâ, agitarum est, sapientis Medici, naturæ motus auscultare, morborum arcana Sagaci indagare animo, à juvantibus & lædentibus sumere indicationes, neque ullas moliri curationes, omittis universalibus prædictis, venæ sectione & purgatione. Sanguini in valis luxurianti, aut stabulanti debetur venæsectio, hæc est plethora, huic soli convenit hoc præstantissimum remedium, purgatio cacoehymie medetur, hic sollicitas age excubias, ne inter moras effluat occasio, turgent humores expurgandi, sepe enim turgent, his in oris ubi parum sudatur, & genialiter vivitur. Sobrietatis gallorum gula est græcorum, ideo nos urget purgandi necessitas, neque te teneant fictitiæ qualitates irritantes & malignæ. Verum non omnes morbi hisce prædictis cedunt, febres peracinate puta, quarum parentes impuri succi, & acida fermenta, inde sanguis valde depauperatus: venæsectio sanguinem pauperiorem reddit, purgatio domesticos lares turbat, intrudit succos male moratos in sanguinis massam; Has sanare cupidis, in operis societatem accerfat opium & corticem peruvianum, inter se longum & durabile fœdus inierunt; sunt enim congeneris substantiæ, cortex amaritudine pollet, abundat resina, opium est amarum, resinolum, sine viget volatili, hac parte palmarium est, in tenui labor, sed tenuis non gloria: pars opii volatilis, tardiori resinæ corticis febrifugi sociata, miram conciliat humoribus tranquillitatem, tardiores sanguinis motus facile ciet, longas alveorum & alveolorum ambages, viaque perlustrans, dulci diaphoretici materiam febrilem expellit, & crasim sanguinæ massæ restituit.

**I**N America Peruviana reperitur arbor, incolæ *Gannaperide* vocant, vulgò China China, hæc non est procerza, sed in ramulos insigniter divaricata, folia habet instar prunorum, floribus albis & cæruleis ornatur, nullum fructum parit, quasi in pompam unice cum tanta florum copia nata fuisset: cortex compenlat fructus, est enim summe febrifugus, in sanitatem gentium à D. O. M. conditus, unde arbor vitæ si quæ alia, jure merito dici potest. Ex hac arbore exudat resina, & prodeunt semina, quæ etiam vim febrifugam habent; ceteræ arboris partes, tanquam inferioris energæ parvi penduntur, ut ipsi cortici tota laus assignetur. Opium est succus stillans è capitibus papaveris fere maturis, græce dicitur *ὀπν*; fucus per excellentiam, abundat oleo, spiritu, & resina, valde est inflammabile, odore grave, sapore amarum, multis in locis nascitur, melius in Ægypto, sed heu non nobis stillat! solus meconii conceditur usus. Variæ sunt opii præparationes, spiritu vini dissolvuntur partes oleosæ & spirituosæ, aquâ, aquæ & saline: opium soporem sepe inducit, interdum verat, valde est diaphoreticum; his virtutibus pacatos regit humores, & cortici peruviano socium, vim ejus febrifugam mirum in modum juvat. Amara sunt alia plurima febrifuga, quæ vi possent exphratica, abundant enim partibus alkalinis quibus abundant opiorum aculeos, unde febrium mala progenies, obulis acidis, anomale cessant fermentationes, & humores concreti liquefunt, partes sanguinis spirituosæ liberiorem habent expansionem. Post fermentationem vinum amarefcit, acidis subactis, vis multo ebullientis fræna dare, amarum injicito? ex tribu amarorum, Centaurium minus, Gentiana, Juniperus non mediocri symbolum cortici peruviano conferunt.

**B**ENE valere nihil melius, satis norunt qui non prosperæ sunt valeudinis, perpetuè conqueruntur de sortis humane ærumnis, quasi nescii, in eorum solatium creasse altissimum pharmaca terre; felix qui eorum vires & morborum potuit cognoscere causas; felix qui reconditis opii dotes propria detexit experientia, easque per analysim nos docuit, non minus felix qui corticis peruviani virtutes innumeris demonstravit experimentis, quæ deinceps ratio fecundavit, miris quam celeri gressu, per omnes terrasque tractatus maris iverit fama corticis saluberrimi; sed mirabere magis, quantæ rixæ super hoc debellatæ sint, & quor convitiis, arbor omni invidia major, læcessita, quasi ex hac fabricatus equus trojanus flammis vestitus æquinoque ignem emulas, ad totius orbis conflagrationem evomeret, O Pudor! O gens impetrata aggratam, probris aliorum medicinarum ruinis! An Medicinæ proceres præjudicio hypothesos antiquioris, indignum putant rebus sit dare novis? Medicina est ars ratione & experientia comparata, experientia consistit febrem assiduum, dolore lateris pungente, difficili respiratione cum sanguinis creaturâ stipatam, perfectè sanari potioribus, opio & Chinâ Chinâ medicatis. Hic mirari sub est, quantum opus ferat opium cortici febrifugo, siue dolores de mulcendo, siue humorum tumultus compescendo, ratio suadet partes horum medicamentorum resinolæ & volatili sulphureas, sanguinem in pectore, feclato frigore concretum, læteri lethali ter hærentem colligare, & colligatum in parvis remanere lares, faciliè cursu suo obire munia. Experimentis confirmatum est Rheumatismos & articulos dolores opium & china china compescere, ut vero ambo hæc se diffunderent in venas, pigros humores ex acido concretos dissolvunt & blanda diaphoretici, expectatione maturius, educunt; sic calculus angustis ureteris affixus, opio & china china obstericantibus feliciter excluditur; quis nescit menses moveri & filii opio & Chinâ Chinâ; colici doloris morsus acerrimos sedari. Credas Panaceam ex opio & Chinâ Chinâ genitam non occultis qualitatibus agentem, non suspensas tenentem morborum causas, sed viribus sociis, & publicis virtutibus reipublice optulari.

*Ergo vires consociare amant opium & Chinâ Chinâ.*

### DOMINI DOCTORES DISPUTATURI.

M. Nicolaus Brunel de la Carliere.  
M. Joannes-Baptista Doye.  
M. Urbanus Leaulx.

M. Michael Pichonnat.  
M. Franciscus Picoté de Belesfre.  
M. Nicolaus Bailly.



M. Claudius Berger, Decanus.  
M. Dominicus de Farcy.  
M. Henricus Mahieu, Polonorum Regiæ Medicus primarius.

Proponebat Parisiis JACOBUS MINOT, Sancerriensis ex Avarico, Serenissimus Principis Ducis Borbonii Medicus ordinarius, Baccalaureus Medicus. A. R. S. H. 1696.